



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 56. Sessio XLV. Basileensis Synodi

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

positum ratum haberi; unde sibi nec Sæcul. XV.
 probari Pontificis Concilium Florentiam A. G. 1443.
 transferendi voluntatem, nec Basileen-
 sium decretum, quo sessione die undevi-
 cesimo Maji habita juxta Constantiensis,
 ipsiusque Basileensis Synodi præscriptum
 aliud Generale Concilium tertio post an-
 no celebrari statuissent, & quidem in ci-
 vitate Lugdunensi, quam Felix hanc in
 rem delegisset, huncque temporis termi-
 num contrahendi Facultatem a Basile-
 ensibus impetrasset. Haud tamen pro-
 pterea dissolutum censeretur Basileense
 Concilium, cum ipsis cordi foret, illud
 continuari, ac prosequi, dummodo Basi-
 leensis civitas securitatem hactenus pro-
 missam imposterum illæsam servaret: si
 vero aliquod impedimentum intercede-
 ret, tunc pro ejusdem Basileensis Synodi
 prosecutione, Lausana urbs nominare-
 tur, ad quam Patres sese transferrent.

§. LVI.

Sessio XLV. Basileensis Synodi.

Celebrarunt quidem Basileenses Mense Labbe Conc.
 Majo hujus anni sessionem numero tom. 12.
 quadragesimam quintam. Ast urge- p. 697.
 bant in Germania belli tumultus, rece- Aug. Patric.
 debant Præsules Alphonso subditi, nec- l. c. art. 138.
 non ipsemet Imperator assidue aliam Sy- ex tom. 13.
 nodum celebrari postulabat; quibus ac- Conc. p. 1607
 cessit,

Sæcul. XV.
A. C. 1443.

cessit, non modo Felicis Basileam venire renuentis pertinacia, ac denique succisa spes, ut Prælati, si diutius Basileæ hærent, necessaria perciperent subsidia. Has ob causas Basileenses præfatum decretum condere, hacque Sessione absoluta Synodum suam dissolvere compellebantur.

Nihilominus in præcedenti Sessione Patres damnabant plures propositiones, quas nonnulli Fratres Mendicantes contra Parochorum jura enunciabant: Fuerunt autem istæ: *Parochianos non jure Dominicis, & solemnibus diebus Missas in propriis Ecclesiis Parochialibus audire. Illis diebus cuicumque liberum esse Missæ interesse, (*) nec Conciliorum decretis hac libertate fideles privari posse. Parochianos illis diebus non teneri oblationem Parochis suis facere: Obnoxium faciendi celebrari Missas, non satisfacere debito, si per curatum Sacerdotem id fieri curet, quoniam ratione*

(*) Hanc propositionem a Basileensibus damnatam fuisse observat Odoricus Raynaldus ad hunc annum num. 23. *ut ea ratione tum Clerum sæcularem sibi tanquam Parochorum & Episcoporum auctoritatis vindicibus conciliarent, tum etiam ut Pontificum, qui Religiosos Ordines immunitatibus amplissimis donavere, auctoritatem infringere, sed eorum artes in irritum cecidisse.*

tione Curæ ad id est obligatus: Decimarum solutionem, etsi de præcepto sit, non tamen de præcepto esse, cui sit solvenda, sed liberum, quibuscunque vellent solvere, vel in pia opera pro arbitrio impendere: Mortales in professione, & habitu Ordinis Minorum, ultra annum non passuros in pœnis Purgatorii, quoniam B. Franciscus ex divino privilegio quotannis ad purgatorium descendit, suosque omnes ad Cælum deducit: Fratres Mendicantes etiam non præsentatos Ordinariis posse confessiones audire; & qui apud eos essent confessi, non teneri etiam semel in anno confiteri proprio Sacerdoti: Episcopos etiam in Synodo congregatos non posse sibi reservare ullos casus præter illos in jure expressos. Omnes istas assertions in Dicecesi Taurinensi, & Astæ Mediolanensis ditionis urbe Mendicantes concionibus suis divulgant, quas Basileenses in quadragesima quarta Sessione tanquam erroneas damnarunt, hanc censuram in præsentis Sessione confirmantes. Quibus peractis nullum alium conventum egerunt Basileenses.

§. LVII.

Finis Florentini & Basileensis Concilii.

Ita demum finem habuerunt Concilia *Acta Patric.*
 Florentinum, & Basileense, quorum *to. 13. Conc.*
Hist. Eccles. Tom. XXVIII. E Patres, *p. 1612.*